

清代历史资料丛刊

同治中兴京外奏议约编

清·陈弢辑

清代历史资料丛刊

清·陈澧辑

同治中兴京外奏议约编

同治中兴京外奏议约编

清·陈发輯

定价三元正

上海書店影印

上海福州路四〇一號

上海朱家角彩印厂印刷

一九八五年六月

(古—39) 1—50.00

影印说明

全书分八卷。辑入清代同治一朝的奏议一百二十余篇。内容涉及
的大部分是当时的一些主要政事，包括军事、吏治、刑典、亩捐、商
税、漕运、盐务、水利等方面。可供近代史研究上参考。
原书刊于光绪元年（公元一八七五年）。辑刊者为陈弢。

上海书店 一九八四年十二月

敘

粵稽三代以上中興令辟若殷之高宗周之宣王尚已迄今讀尚書說命諸篇至傅巖爰立甘盤舊學恍然見殷宗納誨之切念典之勤用能格皇天而纘湯繙誦詩至崧高烝民韓奕常武則尤歎申伯韓侯召穆公之倫出納甸宣經營四方江漢之師如雷如霆固由文武遺澤之長涵濡有年人材鼎盛亦唯周宣王側身脩行知人善任於以撥亂反正造車馬攻同

之烈匪易之也洪惟

穆宗毅皇帝沖齡嗣服躬邁殿憂上賴

七廟眷佑之靈入稟

兩宮思齊之教卒能削平僭偽綏靖邊陲偉烈豐功為
書契以還所罕覩維時親賢夾輔皋夔布列二三中
外大僚其遺揚

聖學平章軍國者視版築荒野之士所就孰多若夫擁
旄專閫禽渠斬馘區宇蕩平神州再造較之大雅所

稱築齊城而征徐國區平淮濱一隅之亂者其規模之廣狹又不可以同日論

側席求賢豪俊輩出

中興事業甄殷陶周盛矣哉比

大政親裁六幕仰化

堯體禹朕宵旰忘倦

橋山弓劔遷棄臣民薄海黔庶攀號莫逮願

功德之景錄則赫乎厯久弥彰者也

天子誕膺寶祚孝思維則方

命儒臣編纂

實錄年經事緯昭示來茲唯是

史成尊藏之書職非清要未由仰觀魏之蕩之民莫能
名發自甲子燕遊日閱邸抄每見中外臣工條陳時
事者輒手錄成帙今年春友人見而寶之謂同治一
朝芟夷大難六官成法因時損益者尤多地道無成
才難斯盛觀諸臣之崇論闇議益見

先皇帝虛懷翕受孜孜求治之誠心爰懲憲付之梓人
嘉惠同志蓋將使章句之士陬澨之民略識

本朝掌故並令食毛踐土者思此十有三年中

廟堂擘畫何等焦勞纔有此出水火而登衽席之一日
庶幾忠愛之忱油然觸發則又未始非世道人心之

小補云

光緒元年太歲乙亥季夏之月

漸江陳弢序於宣南行館

凡例

一是編專刊同治一朝奏議其咸豐十一年以前及今光緒元年以後中外各摺概不登錄以示限斷一所刊奏議皆曾發閣抄或已見專集者其未經明發之摺匪特無從搜採亦於功令不宜

一凡條陳時事或准或駁原非一律然觀切問齋文鈔經世文編諸書所采名臣奏疏亦非全經俞允者以已發邸鈔例無禁忌故取錄之

一 中興已來名卿碩輔規畫孔多然尋常奏報非有朝章國故關係其參劾諸摺亦無甚崇論閣議概不及登

一是編陸續付刊其次第祇畧爲編排未能條理井井且各疏或得之展轉傳鈔不免謬誤或得之報房舊刻則麻沙斷爛校正尤難閱者諒之

一是編遇應三擡雙擡者敬謹空格不復提行用近刻曾文正奏疏例取省篇幅

同治中興京外奏議約編目錄

卷一

杜漸防微疏

會銜

弘德殿大臣

祁雋藻

倭仁

李鴻藻

長治久安疏

御史

張緒楷

請

飭廷臣直諫疏

內閣侍讀學士

鍾佩賢

請崇節儉片

鍾佩賢

請崇尚節儉片

劉毓楠

敬抒愚忱疏

賈鑄

禁言祥瑞疏

御史邊寶泉

敬陳管見疏

給事中劉毓楠

敬陳管見疏

御史馬元瑞

政期核實疏

御史朱澄瀾

及時防弊疏

御史王書瑞

請除近日流弊疏

御史孫翼謀

應詔陳言疏

福建巡撫王凱泰

積穀練兵疏

代奏
贊善

懇停賜雙俸疏

徐申錫

懇收回

成命疏

閩浙總督左宗棠

懇收回

成命疏

江西巡撫沈葆楨

陳請終制疏

山東巡撫閻敬銘

額

恩開缺疏

兵部侍郎彭玉麟

杜漸防微疏

弘德殿大臣祁寯藻 倭仁 李鴻藻

臣等恭閱邸抄本月十四日御史劉毓楠奏請崇尚節儉
屏絕浮華一摺奉 上諭逆氛肆擾兆姓流離正君臣
交儆之時豈上下恬熙之日我 兩宮皇太后痛念

山陵未安民生未奠孜孜求治宵旰不遑所有內
廷供奉業已隨時酌減爾內外大小臣工宜體此意及時
振作共濟艱難母蹈奢靡之習貪耳目之娛用付朝廷崇
實黜浮無敢戲豫之至意等因欽此中外臣工祇承

訓誠自罔不力求儉約矣而臣等猶有過慮者 皇上
冲齡御極智慧漸開當此釋服之初吉禮舉行 聖心

之敬肆於此分風會之轉移卽於此始則玩好之漸可慮也游觀之漸可慮也興作之漸可慮也嗜好之端開不惟有以分誦讀之心而海內之仰窺意旨者且將從風

而靡安危治亂之幾其端甚微而所關至鉅可無慎乎方今軍務未平生民塗炭時艱蒿目百孔千瘡誠如聖諭正君臣交儆之時非上下恬熙之日也伏願

皇上

恪遵

慈訓時時以憂勤惕厲爲心事事以逸樂便

安爲戒屏玩好以節嗜欲慎游觀以定心志省興作以惜物力凡內廷服御一切用項稍涉浮靡概從裁減雖向例所有亦不妨量爲撙節如是則外物之紛華不接於耳

目詩書之啟迪益歛夫心思將見

聖學日新

聖

德曰固而去奢崇儉之風亦自不令而行矣臣等區區愚
悃爲杜漸防微起見不揣冒昧謹合詞恭摺具陳伏乞

皇太后 皇上聖鑒謹奏